

Ísólfur Gylfi Pálmason,  
sveitarstjóri  
Hlíðarvegur 16  
860 Hvolsvöllur

Umhverfisstofnun
Áb. _____
14. feb. 2012
10.4.2
Tilv. _____



UMHVERFISSTOFNUN

Reykjavík, 13. febrúar 2012  
Tilvísun: UST20111200075/ksj

### Endurskoðun aðalskipulags Rangárþings eystra. Lýsing

Vísað er til erindis sveitarstjóra Rangárþings eystra er barst 12. desember sl. þar sem óskað er umsagnar um lýsingu fyrir endurskoðun aðalskipulags Rangárþings eystra.

### Stefnumörkun aðalskipulagsins

Í umfjöllun um stefnumörkun er varðar frístundabyggðir í lýsingu vegna endurskoðunar aðalskipulags Rangárþings eystra 2011-2023 kemur fram m.a. að: „*Frístundabyggð verði ekki heimiluð á svæðum sem eru mikilvæg eða verðmæt vegna náttúruvafars, náttúruauðlinda, sögu eða almenns útivistargildis. Gerð verði grein fyrir afmörkun slíkra svæða í aðalskipulagi.*“

Umhverfisstofnun tekur undir ofangreint markmið og önnur markmið er varða frístundabyggðir. Umhverfisstofnun bendir á mikilvægi þess að svæði á náttúruminjasrá og svæði er falla undir sérstaka vernd skv. 37. gr. laga nr. 44/1999 náttúruvernd, verði merkt sérstaklega og tekin frá sem náttúruminjar. Einnig bendir stofnunin á mikilvægi þess að sveitarfélagið skoði það að hverfisvernda náttúruminjar sem teljast mikilvægar innan sveitarfélagsins, og horfa þá til landslagsheilda frekar en til stakra svæða.

Varðandi stefnumörkun sveitarfélagsins er varðar frístundabyggðir þá tekur Umhverfisstofnun undir hana.

### Skógrækt

Að mati Umhverfisstofnunar eru markmið um skógrækt skýr, og tekur stofnunin undir þau. Umhverfisstofnun bendir á mikilvægi þess að lögð sé áhersla á að íslenskar tegundir eins og t.a.m. birki, reynir og ýmsar víðitegundir séu nýttar til skógræktar.

### Hálendisvegir

Umhverfisstofnun tekur undir það að ekki sé gert ráð fyrir öðrum vegum á hálendi

sveitarfélagsins en þeim er sýndir eru á gildandi aðalskipulagi. Að mati stofnunarinnar eru skýr markmið eins og fram koma í lýsingu nauðsynleg til að draga úr akstri utan vega og því raski er slíkur akstur veldur.

### Efnistaka, námur

Ekki liggur fyrir umfang eða staðsetning nýrra efnistökusvæða, þar af leiðandi vísar Umhverfisstofnun umfjöllun um námur til seinni stiga vinnslunnar.

### Útivist í sátt við náttúruna

Umhverfisstofnun bendir á að ef áætlanir um skipulagsbreytingar á svæði við Skógafoss eru fyrirhugaðar þá telji stofnunin að gera þurfi grein fyrir þeim í nýrri aðalskipulagstillögu. Í greinargerð um lýsingu vegna endurskoðunar aðalskipulags kemur m.a. fram að: „*Vöxtur verði í ferðaþjónustu á Íslandi og honum verði mætt með aðgerðum sem komi í veg fyrir skaða á náttúrunni vegna aukinnar umferðar.*” Umhverfisstofnun tekur undir markmiðið og telur það afar mikilvægt. Innan Rangárbings eystra liggja fjölmargar náttúruperlur sem eru fjölsóttar og með aukinni ferðaþjónustu og fleiri gestum sem sækja sveitarfélagið þá er mikilvægt að á skipulagsstigi sé hugsað fyrir leiðum til að koma í veg fyrir ágang á náttúruperlur þrátt fyrir aukningu ferðamanna.

Virðingarfyllst

*A. Bina Guttormsdóttir*

Aðalbjörg B Guttormsdóttir  
Deildarstjóri

*Kristín S. Jónsdóttir*  
Kristín S Jónsdóttir  
Sérfræðingur

Skipulagsstofnun